

დამტკიცებულია ბაფის
გამგეობის სხდომაზე:
ოქმი № 5 09.09. 2008 წელი

შეტანილი ცვლილებები:
გამგეობის სხდომაზე
ოქმი № 03 20. 04 2018 წ.

ბაფის დებულება წევრობის შესახებ (კოდიფიცირებული)

1. დებულების მიზანი

- 1.1. ეს დებულება შემუშავებულია ბაფის წესდების, ბაფის საწევრო კომიტეტის, ეთიკის და დისციპლინარული კომიტეტის დებულებების საფუძველზე და მიზნად ისახავს ბაფის წევრობასთან დაკავშირებული შემდეგი საკითხების დარეგულირებას:
- წევრად მიღება
 - წევრობის შეჩერება
 - წევრობის შეწყვეტა
 - წევრების რეესტრის წარმოება.

2. წევრობის დაშვებული სახეობები

- 2.1. ბაფის წევრობა არის როგორც ინდივიდუალური, ასევე კორპორაციული.
2.2. ბაფს შეიძლება ჰყავდეს:
- ინდივიდუალური ასოცირებული წევრები,
 - ინდივიდუალური ნამდვილი წევრები,
 - ინდივიდუალური საპატიო წევრები,
 - კორპორაციული წევრები.

3. ასოცირებული წევრები

3.1. ბაფის ასოცირებული წევრები შეიძლება იყვნენ პირები:

- ა) რომელთაც აქვთ უმაღლესი ან საშუალო სპეციალური (პროფესიული) განათლება ბუღალტრული აღრიცხვის, აუდიტის ან ეკონომიკის სხვა სფეროში;
- ბ) რომლებიც სწავლობენ უმაღლეს სასწავლებლებში ეკონომიკური პროფილით;
- გ) რომლებიც ჩართულნი არიან ფედერაციის პროფესიონალ ბუღალტერთა სასერთიფიკაციო პროგრამაში;
- დ) რომელთაც გავლილი აქვთ ბუღალტრული აღრიცხვისა და აუდიტის მოსამზადებელი კურსები;
- ე) რომლებიც მოღვაწეობენ ბუღალტრული აღრიცხვის ან აუდიტის სფეროში.

- 3.1.1. ბაფის ასოცირებული წევრობის კანდიდატები (შემდგომში „კანდიდატები“) გადიან შემდეგ პროცედურებს:
- 3.1.2. ბაფის საწევრო კომიტეტს მიმართავენ განცხადებით გაწევრიანების შესახებ;
- 3.1.3. ავსებენ ანკეტას და ფოტოსურათთან ერთად წარმოადგენენ საწევრო კომიტეტში;
- 3.1.4. აღიარებენ ბაფის წესდებას და წინამდებარე წესებს, რასაც ადასტურებენ შესაბამის დოკუმენტზე ხელის მოწერით;
- 3.1.5. იხდიან გაწევრიანების მოსაკრებელს და ექვსი თვის საწევრო შენატანის თანხას;
- 3.2. პროცედურების გაგლისა და დოკუმენტაციის წარმოდგენის შემდგომ საწევრო კომიტეტი განიხილავს და იღებს გადაწყვეტილებას კანდიდატის ბაფის ასოცირებულ წევრად მიღების შესახებ. კომიტეტის გადაწყვეტილებას ამტკიცებს ბაფის გამგეობა;
- 3.3. რეგიონებში ბაფის ასოცირებული წევრების მიღების პროცედურებთან დაკავშირებით, საწევრო კომიტეტის ფუნქციები დელეგირებულია ბაფის ფილიალებზე.
- 3.4. კანდიდატის ბაფის ასოცირებულ წევრად მიღების თარიღად ითვლება საწევრო კომიტეტში მისი განცხადების შემოტანის თარიღი.

4. ნამდვილი წევრები

- 4.1 ბაფის ნამდვილი წევრები შეიძლება გახდნენ ასოცირებული წევრები, რომელთაც ბაფში გავლილი აქვთ სერტიფიცირება ან/და სერტიფიცირებულ პირებად აღიარებულნი არიან კანონმდებლობით. ასევე, ბუღალტერთა საერთაშორისო ფედერაციის წევრი პროფესიული ორგანიზაციის მიერ სერტიფიცირებული პირები, რომლებსაც ჩაბარებული აქვთ საქართველოს საგადასახადო და ბიზნესსამართლის საკვალიფიკაციო გამოცდა;
- 4.2. ნამდვილი წევრობის კანდიდატები განცხადებით მიმართავენ ბაფის საწევრო კომიტეტს;
- 4.3 შესაბამისი დოკუმენტაციის განხილვის შემდგომ საწევრო კომიტეტი იღებს გადაწყვეტილებას კანდიდატის ბაფის ნამდვილ წევრად მიღების შესახებ;
- 4.4 კანდიდატის ბაფის ნამდვილ წევრად მიღების თარიღად ითვლება მისი განცხადების თარიღი.

5. საპატიო წევრი

- 5.1. ბაფის წევრთა საერთო კრების გადაწყვეტილებით, ბუღალტრული აღრიცხვისა და აუდიტის სფეროში მომუშავე დამსახურებული მუშაკები მიიღებიან ბაფის საპატიო წევრებად.
- 5.2. ბაფში გაწევრებისთანავე ასოცირებულ, ნამდვილ და საპატიო წევრებზე გაიცემა შესაბამისი წევრობის დამადასტურებელი მოწმობა.

6. კორპორაციული წევრები

- 6.1 ბაფის კორპორაციული წევრი შეიძლება გახდეს აუდიტორული ფირმა, რომელსაც გავლილი აქვს ფედერაციის გამგეობის მიერ დამტკიცებული გაწევრიანების პროცედურები.
- 6.2 კორპორაციული წევრობის კანდიდატი წარმოადგენს სარეგისტრაციო ანკეტას (დებულების დანართი) თანდართულ დოკუმენტებთან ერთად და იხდის საწევროს.
- 6.3 კორპორაციული წევრი ვალდებულია გამგეობის მიერ დადგენილი წესით გადაიხადოს საწევრო შენატანი, განაახლოს სარეგისტრაციო ანკეტაში მოცემული ინფორმაცია, გაიაროს ხარისხის კონტროლის პროცედურები.
- 6.4 კორპორაციული წევრი სარგებლობს იმავე უფლებებით, რაც ნამდვილი წევრი.
- 6.5. კორპორაციული წევრი ფედერაციის წესდებით დადგენილ უფლებებსა და მოვალეობებს ახორციელებს მისი წარმომადგენლობითი უფლებამოსილების მქონე პირის მეშვეობით.
- 6.6. საერთო კრებაზე კორპორაციულ წევრს აქვს ერთი ხმის უფლება.
- 6.7. კორპორაციული წევრობის კანდიდატი წევრად ითვლება საწევრო კომიტეტის გადაწყვეტილების მიღების თვის პირველი რიცხვიდან

7. წევრობის შეჩერება და შეწყვეტა

- 7.1. ბაფის წევრობიდან გასვლა ხდება:
 - წევრის პირადი განცხადების საფუძველზე;
 - წევრობის შეწყვეტის (გარიცხვის) დროს;
- 7.2. წევრობის შეწყვეტა (გარიცხვა) ხდება შემდეგი მნიშვნელოვანი საფუძველების არსებობის დროს:
 - წესდების დებულებათა მოთხოვნების სისტემატური შეუსრულებლობა;
 - დისციპლინარული მოკვლევით გამოვლენილი პროფესიული ეთიკის ნორმების დარღვევა;
 - სავალდებულო განგრძობითი განათლების სტანდარტით გათვალისწინებულ მოთხოვნათა (3 წლის განმავლობაში 120 საათი) უგულველყოფა - ნამდვილი წევრებისთვის;
 - მომსახურების ხარისხის კონტროლის სისტემის უგულველყოფა (სერტიფიცირებული პირებისა და კორპორაციული წევრებისათვის);
 - საწევრო შესატანების გადაუხდელობა:
 - ა. ასოცირებული წევრის მიერ 5 კალენდარული წლის განმავლობაში;
 - ბ. ნამდვილი წევრის მიერ 3 კალენდარული წლის განმავლობაში;
 - გ. კორპორაციული წევრის მიერ 2 კალენდარული წლის განმავლობაში.
- 7.3. განსაკუთრებულ შემთხვევებში (წევრის მიერ ფინანსური პრობლემების ან სხვა დასაბუთებული გარემოების შესახებ განაცხადის საფუძველზე) საწევრო კომიტეტის გადაწყვეტილებით შეიძლება მოხდეს საწევრო შესატანის გადავადება;

7.4. ამ დებულების 7.2 პუნქტით განსაზღვრული წესებისა და მოთხოვნების დარღვევის შემთხვევაში, წევრობის შეწყვეტამდე, წევრების მიმართ შეიძლება გამოყენებულ იქნას სანქციები და გაფრთხილებები.

7.5. წევრობის შეჩერებისა და შეწყვეტის შესახებ გადაწყვეტილებას იღებს საწევრო კომიტეტი, რომელიც განსახილველად გააქვს გამგეობის სხდომაზე და ძალაში შედის გამგეობის მიერ მისი დამტკიცების შემდეგ.

8. წევრობის მოწმობა

- 8.1. ბაფში გაწევრიანებისთანავე ასოცირებულ, ნამდვილ, საპატიო და კორპორაციულ წევრს უფლება აქვს მიიღოს წევრობის დამადასტურებელი მოწმობა. მოწმობა გაიცემა დადგენილი წესით გაწევრიანების მოსაკრებლისა და საწევრო შესატანის შეტანის შემდეგ;
- 8.2. წევრობის შეჩერების ან შეწყვეტის შემთხვევაში, მოწმობა უნდა დაუბრუნდეს ბაფის სამდივნოს მოთხოვნისდაკვალად.

9. წევრთა რეესტრის წარმოება

- 9.1. ბაფი აწარმოებს წევრთა რეესტრს, რომელიც მოიცავს:
 - ასოცირებული წევრების რეესტრს;
 - ნამდვილი წევრების (სერტიფიცირებული პირები) რეესტრს;
 - საპატიო წევრების რეესტრს;
 - კორპორაციული წევრების რეესტრს.
- 9.2. წევრთა რეესტრი წარმოებს ელექტრონული სახით.
- 9.3. სერტიფიცირებული პირებისა და კორპორაციული წევრების შესახებ ინფორმაცია თავსდება ბაფის ვებგვერდზე;
- 9.4. კორპორაციული წევრების შესახებ ინფორმაცია მოიცავს:
 - ფირმის სახელწოდებას;
 - ფაქტობრივ მისამართს;
 - ტელეფონს;
 - ფაქსს;
 - ელ.ფოსტას;
 - ხელმძღვანელი პირების თანამდებობას, სახელებსა და გვარებს;
 - ფილიალების მისამართები და ტელეფონები
 - ვებგვერდის მისამართს;
 - ლოგოს;
 - ინფორმაციას ხარისხის კონტროლის გავლის შესახებ;
 - დასკვნაზე ხელმოწერის უფლების მქონე პირებს.

10. წევრობის აღდგენა

10.1. ბაფის წვერობის რეესტრიდან ამოღებულ პირს უფლება აქვს ბაფის წვერობა აღიდგინოს რეესტრიდან ამოღების საფუძვლის აღმოფხვრის დადასტურების შემთხვევაში.